

傷寒廣要

傷寒廣要卷第九

東都丹波元堅亦柔撰

德陽蘇榮權矩亭

同叅校

浦江白昭煌潤生藏書重印

華陽周鳳楷魯東

兼證諸證

下

嘔吐

病後嘔吐

乾嘔

嘔者有聲者也吐者吐出其物也故有乾嘔而無乾吐是以於嘔則曰食穀欲嘔及吐則飲食入口即吐則嘔吐之有輕重可知矣傷寒嘔有責爲熱者有責爲寒者至於吐家則悉言虛冷也經曰太陰之爲病腹滿而吐食不下又曰胃中虛冷故吐也嘔家則不然嘔有熱者有寒者有停飲者有胃脘有膿者諸如

此者雖為殊別大抵傷寒表邪欲傳裏裏氣上逆則為嘔也是以半表半裏證多云嘔也嘔家之為病氣逆者必散之痰飲者必下之千金曰嘔家多服生薑此是嘔家聖藥是要散其逆氣也金匱要略曰嘔家用半夏以去其水水去嘔則止是要下其痰飲也嘔多雖有陽明證不可攻者謂其氣逆而未收斂為實也其嘔而脈弱小便復利身有微熱見厥者已為難治蓋謂其虛寒之甚也醫者必審其邪氣之虛實疾證之逆順為施藥圓

治則當矣

明理○此係錄案總括亦辨生薑半
夏云嘔有熱有寒生薑於寒證最便

若太陽不與少陽陽明合病而獨見太陽證或吐瀉者

○此句
恐

恐病人膈間素有痰飲停飲傷滯且以二陳湯定之候嘔吐定

徐進解太陽經藥 大凡得之太陽而嘔者必是合病嘔乃病

漸入內非正太陽也會記有人初得病太陽證有嘔吐不住藥

投暖劑莫能治之知太陽已汗解固當用冷劑是太陽見嘔非

合陽明則合少陽其嘔屬熱用暖劑非矣

會見太陽證大嘔因嘔吐藥只解表自除

又記有人初病具太陽證而嘔一家少長患狀悉類與養胃

湯八服無不立效此時行之氣適然如此是爲傷寒雜病又非

可以正經傷寒律之

要訣

凡嘔而不止者藥內必少加生薑汁一二匙服之最效凡服藥

宜徐徐呷下不可急也

薑要

范汪方治傷寒五六日嘔而利者黃芩湯方

黃芩三兩

半夏升半

人參兩二

桂心兩二

干薑三兩

大棗十二枚

凡六物水七升煮得二升分再服

醫心方○案此方既出金匱附方中據外臺本是仲

景方

友人王曉同寓雲中一僕十九歲患傷寒發熱飲食下咽少頃盡吐喜飲凉水入咽亦吐號叫不定脈洪大浮滑此水逆證江應宿投五苓散而愈類案

治傷寒嘔噦心下悸動胸膈有滯水往往頭眩茯苓半夏湯方

赤茯苓去黑皮

半夏湯洗七遍

陳橘皮湯浸去白

右三味麤搗篩每服五錢匕水一盞半入生薑一分拍碎同

煎至七分去滓溫服晚再服聖陳濟湯去甘草

大汗下後惡寒厥逆水藥不得入口身痛自利真武湯加半夏

下黑錫丹與太陽病發汗後水逆之五苓散證不同嘔吐煩

渴者白虎湯論緒

曾氏家學治吐逆大小便不通厥逆無脈大承氣下之愈治案

此本出本草衍義云此關格之病極難治

蘆根飲子治傷寒後嘔噦反胃及乾嘔不下食方

生蘆根切 青竹茹各一升 粳米三合 生薑三兩

右四味以水七升先煮千里鞋底三隻取五升澄清下藥煮

取二升半隨便飲不差重作取瘥千金以代鞋底為佳 聖

惠治傷寒乾嘔不下食於本方加陳橘皮不用鞋底

治時氣病差後勞復發熱嘔吐不下宜服蘆根飲子方

蘆根兩二 竹茹兩二 人參兩二 陳橘皮兩一 生薑兩二

石膏兩四

右件藥都剉和勻每服半兩以水一大盞煎至五分去滓不

計時候溫服惠聖 又治時氣十日已上時有嘔逆欲得飲水

此胃中伏熱不散宜服犀角散於本方去人參橘皮加犀角

麥門冬黃芩川朴消

有陽證病新瘥後見嘔別無所因此餘熱在胃腕也宜竹葉石

膏湯人○案此本於活 或橘皮竹茹湯訣要

加味竹茹湯治胃中壅熱而噦嘔者

橘紅 錢二

半夏 錢二

茯苓 錢二

甘草 錢五

竹茹 團一

黃連

一薑炒 錢

葛根 半一 錢

右用水二鍾煎至一鍾若心下痞滿加綠枳實麩炒一錢 藥要

熱氣在脾胃也或發汗解後或大下之後胃中不和尚有蓄熱

熱氣上熏則心下否結故乾嘔也 源巢

治傷寒乾嘔不止心胸煩躁四肢熱宜服柴胡散方

柴胡

半一 兩

黃芩 分三

麥門冬 兩一

半夏 兩半

枳殼 兩一

枇杷葉

分三

甘草 兩半

人參 兩半

右件藥擣麩羅為散每服四錢以水一中盞入生薑半分棗

三枚煎至六分去滓不計時候溫服聖惠

疫邪留於心胸胃口熱甚皆令嘔不止下之嘔當去今反嘔者

此屬胃氣虛寒少進粥飲便欲吞酸者宜半夏藿香湯一服嘔

立止穀食漸加溫疫論

半夏藿香湯

半夏一分

真藿香一分

乾薑炒一分

白茯苓一分

廣陳皮一分

白朮炒一分

甘草五分

水薑煎服溫疫論

噦本門方說其云效逆效噫吃忒者並係噦之謬稱

伏熱在胃令人胸滿則氣逆氣逆則噦若大下後胃氣虛冷亦

令致噦也

巢源

吃忒有因胃熱失下而作有因胃中有痰飲而作有因寒涼過多中虛冷而作且其氣皆從胃中起至胸膈之間而為吃忒矣易老治法失下胃熱因實大便鞭者以承氣湯下之便軟者以瀉心湯主之胃虛有熱者橘皮竹茹湯主之有痰飲者半夏生薑湯主之或茯苓半夏湯主之若胃冷者橘皮乾薑湯加味理中湯主之如冷極吃逆不止者或灸期門中脘氣海關元亦佳但要取手足溫煖脈生陽回陰退則可生矣

灸之必愈其穴似期門當致

蘊要○節錄按活入若服藥不泄者

胃氣逆則為呃逆治法各從其本證而消息之如見白虎證則

投白虎見承氣證則投承氣膈間痰閉則宜導痰如果胃寒丁

香柿蒂散宜之不若四逆湯功效殊捷要之但治本證呃自止

其他可以類推矣

溫疫論○類編云柿蒂治陰黃陽黃也
不可不知

夫傷寒與痢疾至發呃病已篤矣非大溫補不可然而呃有虛

呃有實呃有敗呃虛者溫補之敗呃死實呃者乃氣機不得流

通升降失其常度氣反上衝而兀兀有聲也

直解

打呃一證有虛寒有實火若胃實閉結陽火上冲而打呃者真

陰立盡之候也法宜急下以救其陰若脾氣虛寒健運無權氣

不調達而打呃者其勢緩非死證法宜溫中散逆

舒氏

傷寒當下失下胃火上冲而呃者其證燥渴內熱大便閉結大

柴胡湯下之便不結瀉心湯主之三陰中寒胃氣欲絕而呃者其證厥冷惡寒下利清穀附子理中湯合丁香散溫之呃止則吉不止則凶也

悟心

凡噦而二便不通者屬實熱厥逆自利爲虛寒兼呃逆者爲停飲

○案此句不意了

設非此三種則爲胃氣垂絕之候多難治若有疝

瘕動氣又當別論不可忽也 有因誤服寒涼或飲冷水水停心下胃中虛冷而作脈必結代當與溫中利水此爲夾水勿疑代脈爲死證也 凡久病而見呃逆者此真氣已衰不治呃逆脈散舌短灰黑反頭汗不得尿與大便自利而腹滿者皆死

緒論

○以上總證

黃連解毒湯 白虎湯 傷寒熱症醫者誤用薑桂等葉助起

火邪相搏而呃逆者回春

三黃瀉心湯 小承氣湯 調胃承氣湯 並治實熱發呃準繩

凡咳逆多有先熱而喫生冷或涼藥多相激而成蓋陰陽二氣

相搏林人之僕本發大熱以涼藥下之想大甚欬逆四五日竟

至於服丁香柿蒂而後却以小柴胡之屬解其餘熱遂愈下後

蓋有身熱不解活人○以胃熱

若飲水過多心下否而欬逆者五苓散主之別無惡候是也略例

有旋復代赭湯證其人或欬逆氣虛者先服四逆湯胃寒者先

服理中湯次服旋復代赭湯為良活人○然不須先服他藥

半夏生薑湯治噦欲死

生薑

二兩切

半夏

洗一分

右以水二盞煎至八分去滓分二服

活發人案煎服法當從金匱○以上停水

簡要濟衆治傷寒咳噫不止及噦逆不定

丁香一兩乾柿蒂一兩焙乾擣羅爲散每服一錢煎人參湯

下無時服

證類

濟生名柿蒂湯每服四錢水一盞半薑五片

煎至七分去滓熱服不拘時服

中藏經治傷寒咳逆噎汗

於本方加甘草良薑爲末用熱湯猛點乘熱一服效

○活人名丁

香散心悟同以乾薑代良薑

治傷寒後嘔噦不下食方

半夏

一兩

草薺

去皮一兩

丁香

半兩

右件藥搗細羅為散每服不計時候以濃生薑湯調下一錢

聖惠○又治產後效意丁香散於本方去半夏草薺加白豆寇伏龍肝恩每治噤於套劑中加伏龍肝得效因附之

治傷寒嘔噦不止柿蒂湯方

乾柿蒂

七枚

白梅

三枚

右二味麤擣篩只作一服用水一盞煎至半盞去滓溫服

聖濟

吃逆用乾柿蒂七枚煎湯呷之發厥厥冷脈細氣短即加白沈

香散黑錫丹極則臍心著灸

家寶

傷寒後咳噫肉豆蔻湯

肉豆蔻

一個

石蓮肉

炒

茴香

各一分

丁香

半分

生薑

人參 兩各二

杷葉 五片拭去毛

咬咀水三升煎至一升半分四服空心煖飲之 總病

加味理中湯

即理中加丁香一錢橘紅二錢半夏二錢柿蒂炒五分 要蘊

加味附子湯

人參 錢二

白朮 錢二

白芍藥 錢炒一

白茯苓 錢二

附子

於用半正大火中煨熟去皮臍切作八片用

乾薑

炒二錢

肉桂 錢一

吳茱萸 錢一

茴香 錢炒一

沈香 錢一

丁香 錢一

右用水二鍾煎至一鐘服 蘊要病後虛弱中當參湯與此相類錄

自利

滯下 病後利

傷寒病若表實裏虛熱乘虛而入攻於腸胃則下黃赤汁若濕毒氣盛則腹痛壯熱下膿血如魚腦如爛肉汁若寒毒入胃則腹滿身熱下情巢源

自利者有不經攻下自然溏泄者謂之自利也傷寒自利多種須知冷熱虛實消息投湯無致失差雜病自利多責為寒傷寒下利多由協熱其與雜病有以異也表邪傳裏裏虛協熱則利不應下而便攻之內虛協熱遂利是皆協熱也○案此云協熱者本於傷寒例

乃指熱陷入裏而言
以下諸說皆為然

自利宜若可溫理中白通諸四逆輩皆溫

藏止利之劑又有腸胃有積結與下焦客邪皆溫利不能止之

必也或攻泄之或分利之而後已大抵下利脫氣至急五奪之

中此為甚者其或邪盛正虛邪擁正氣下脫多下利而死

明理

協熱利者臍下必熱大便赤黃色及腸間津汁垢膩

謂之腸垢

寒毒

入胃則臍下必寒腹脹滿大便或黃白或青黑或下利清穀濕

毒氣盛則下利腹痛大便如膿血或如爛肉汁也寒毒入胃者

四逆湯理中湯白通湯加附子四逆散加薤白主之協熱利者

黃芩湯白頭翁湯三黃熟艾湯薤白圓赤石脂圓濕毒下膿血

者地榆散黃連阿膠散

活人寶鑑補遺案黃連仲景黃連阿膠散不是仲景方

大抵陽熱之利與陰寒之利自不同陽利糞色必焦黃熱臭出

作聲臍下必熱得涼藥則止得熱藥則愈增陰利必洞下清穀

糞色或白或淡黃臍下多寒宜溫中止瀉之劑此之謂陰利云云

緣陰中亦有陽利不可因下利便以為陰也 又有內不太滿

猶生寒熱未可下而便下之內虛熱入挾熱自利臍下必熱大

便赤黃色及下腸間津汁垢膩名曰利腸刮腸當作宜白頭翁湯

黃芩湯 身熱下利皆屬陽經然陰利有反發熱或初病無熱

利後却熱或初得病即身熱繼而自利寒既在裏為主則陽氣

必客於外所以外反熱○十八字依發熱條補 又有大便秘五六日以

藥利之利遂不止用極熱劑方差陽有利陰有秘當更以他證

別之要訣

大便瀉利小便清白不澀完穀不化其色不變有如鶩溏或下

利腥穢小便澄澈清冷口無燥渴其脈多沉或細或遲成微而無力或身雖發熱手足逆冷或惡寒踈臥此皆屬寒也凡熱症則口中燥渴小便或赤或黃或澀而不利且所下之物皆如垢膩之狀或黃或赤所去皆熱臭氣其脈多數或浮或滑或弦或大或洪也亦有邪熱不殺穀其物不消化者但脈數而熱也口燥渴小便赤黃以此別之矣

要蘊

凡大柴胡湯小承氣湯大承氣湯皆主下利之藥也蓋傷寒內實腹中有燥屎結滯則稀糞水從漉流下爲利也故其脈則滑數有力或潮熱譫語乃可下之必再以手按臍腹少腹鞭痛者是也三方俱爲通因通用之法妙在能識之矣

上同

手足厥冷惡寒腹痛脈微欲絕下利清穀之類此固陰寒之甚者也其於疑似之間則猶有眞辨凡傷寒下利由熱邪者必有煩躁大熱酷欲冷水等證亦必有洪滑強盛數實等脈如果表裏俱熱方可作火證論治若其脈雖數而無力外雖身熱而不惡熱內雖渴而不喜冷此其內本不熱而病爲下利者悉屬胃寒 瀉利亡津無有不渴但渴欲飲水愈多愈快者爲陽證若口雖欲水而腹不欲嚥者即非陽證矣此外如渴欲茶湯者乃瀉渴之當然也不得悉認爲陽證

景岳

傷寒熱甚失於汗下脣焦口燥能飲水大便秘鞭小便赤澀時有稀糞水利出者此內有燥屎結聚乃旁漏之物非冷利也再

審有尿氣極臭者是也其脈雖沉切之必滑有力或時躁熱不欲衣被或揚手擲足或讖語有力此陽氣亢極輕者人參白虎湯或小柴胡湯合解毒湯主之內實者須下之有潮熱者大柴

胡加芒消

西塘
威症

下利有利膿血者有利稀澹糞者有利清穀者有利清水汁沫者下清穀者爲虛爲寒下清水者爲實爲熱惟膿血稀糖汁沫有寒有熱有虛有實有寒熱相半虛實相兼須要細察病源用藥方無有悞若後重逼迫解後仍不減腹痛喜按作嘔不食心恍惚而煩或動悸或頭暈耳鳴口淡燥而不欲飲脈弦而大或數而虛現此脈證者無論膿血稀糖汁沫皆虛寒也若腹痛後

重解後稍減意欲暢解而不得能食食下即脹腹中有塊按之
痛口苦舌乾渴喜冷飲或熱湯病雖憊而神不減或新病氣實
未經消導即消導亦不甚多脈滑而長或緩而緊反不數無虛
證此實熱也然亦有實寒者又當臨時審證察脈而得之書不
能盡言也

直解
上總證
以

脈浮表不解自利或小便不利者五苓散一切得痢間作桂苓
甘露飲溫濕內甚而作痢者黃連解毒湯

標本

治傷寒吐熱頭痛四肢煩疼未經發汗下之太早遂令汗出下
痢不止宜服阿膠散方

阿膠

兩一

黃連

分三

葛根

兩一

黃芩

分三

右件藥擣龜羅爲散每服三錢以水一中盞煎至六分去滓

不計時候溫服

聖惠

治傷寒吐下後毒氣不解致成下痢是陰陽二氣未和宜服黃

連散方

聖惠○案此係乾薑黃芩連人參湯仍不錄

崔氏療時行數日而大下熱痢時作白通諸藥多不得止吾思舊方多療傷寒後下痢耳未有尚在數日便兼除熱止下者也四順湯熱白通苦溫故吾思作此湯以救數十人兼圭傷寒黃連龍骨湯方

黃連

三兩止除熱

黃蘗

三兩止除熱

熟艾

如雞子一枚除熱毒止利

龍骨

二兩止除熱

右四味切以水六升煮取二升半分三服無不斷者忌猪肉

冷水外臺活人三黃熟艾湯於本方去龍骨加黃芩

集驗療傷寒後下利膿血藥皮湯方

黃蘗二兩

黃連四兩

梔子

十四枚

阿膠

一斤

右四味切以水六升煮三味取二升去滓內膠令烱溫分再

服忌猪肉冷水范汪同外臺活人黃連阿膠湯治傷寒熱毒

入胃下利膿血即本方

治傷寒煩熱不解下痢因篤宜服大青散方

大青一斤

甘草一斤

阿膠

一斤

赤石脂

一斤

梔子人

半斤

右件藥擣篩為散每服五錢以水一大盞入豉五十粒薤白

三莖煎至五分去滓不計時候溫服聖惠○案此本出肘後今加梔子人薤白

治傷寒熱毒入胃大便膿血腹中疔痛宜服此方

黃連兩半 赤石脂兩一 當歸兩半 乾薑分一 赤芍藥兩半

黃芩兩半

右件藥擣篩為散每服三錢以水一中盞入粳米五十粒煎

至六分去滓不計時候溫服聖惠○此本外臺崔氏療傷寒熱利黃連九今加芍藥黃芩粳

米為散用

治熱病毒氣攻腸胃大便或時瀉血煩悶妄語升麻散方

川升麻兩一 川大黃兩半 地榆兩半 當歸分三

赤芍藥兩半 枳殼兩半 黃芩兩半 甘草兩半

右件藥擣麤羅爲散每服三錢以水一中盞煎至五分去滓

不計時候溫服

聖惠

下後脈數不退下利不止必協熱而便膿血用犀角地黃湯

明條

陽證以上

肘後療傷寒若下膿血者赤石脂湯方

赤石脂

碎二兩

乾薑

切二兩

附子

炮一兩破

右三味以水五升煮取三升去滓溫分三服後臍下痛者加當歸一兩芍藥二兩用水六升煮忌猪肉范汪張文仲同

外臺

○案聖濟加當歸芍藥名赤石脂湯

又白通湯療傷寒泄痢不已口渴不得下食虛而煩方

大附子

一枚生剖去皮破八片

乾薑

半兩

甘草

半兩

葱白

十四莖

右四味切以水三升煮取一升二合去滓溫分再服渴微嘔

心下停水者一方加犀角半兩大良忌海藻菘菜豬肉范汪

同張仲景傷寒論云本無甘草仍不加犀角

外臺○案聖惠加犀角治上證

范汪療傷寒下利脈微足厥冷通草湯方

通草

兩

乾薑

兩

枳實

四兩

人參

兩

附子

一枚破

右四味切以水六升煮取二升適寒溫飲五合日三不差稍

加至七合忌豬肉

外臺

四柱散治陰證內寒腹痛泄得不止

人參

木香

○原和劑改白朮

白茯苓

各三錢

附子

炮去皮臍一筒切作八片用

生薑

五片

大棗

二枚

右水二鍾煎至一鍾一方加肉豆蔻訶子一錢五分名六柱

散

○要案本方出和劑六柱散出濟生○以上陰證

下痢膿血更加發熱而渴心腹痞滿嘔而不食此疫痢兼證最為危急夫疫者胃家事也蓋疫邪傳胃十常八九既傳入胃必從下解疫邪不能自出必藉大便秘之氣傳送而下而疫方愈夫痢者大腸內事也大腸既病失其傳送以職故正糞不行純乎下痢膿血而已所以向來穀食停積在胃直須大腸邪氣將退胃氣通行正糞方能自此而下今大腸失職正糞尚自不行又

何能與胃載毒而出毒既不前羈留在胃敗壞真氣在胃一日
有一日之害一時有一時之害耗氣搏血神脫氣盡而死凡遇
疫痢兼證者在痢尤為喫緊疫痢俱急者宜檳芍順氣湯誠為

一舉兩得 溫疫論

檳芍順氣湯專治下痢頻數裏急後重兼舌胎黃得疫之裏 證者

檳榔 芍藥 枳實 厚朴 大黃

生薑煎服 溫疫論

吳又可用檳芍湯係治瘟疫之裏證而兼痢者若有外證仍當
解表必如喻嘉言分三次治法始足以盡其變至表裏俱病者
又當表裏分治總宜活變不可膠執 說疫○案喻說外出法律而
三次治法實不外仲景合

病下利之例○以上兼滯下案前所錄諸家
論方亦概似滯下兼證但其言不了晰耳

傷寒病後胃氣不和利候此由初受病時毒熱氣盛多服冷藥
以自瀉下病折已後熱勢既退冷氣乃動故使心下幅牢噫噦
食臭服內雷鳴而泄利此由脾胃氣虛冷故也巢源○案此即
生薑瀉心湯證
傷寒汗下後氣逆利不止者寒也枳實芍藥乾薑甘草湯

芍藥 甘草 枳實炒 乾薑炮各兩

右剉細每服五錢水煎服雲岐子保命○案
此四逆散變方

傷寒後便膿血裏急後重數至圜而不能便或少白膿有似于
痢者切不可痢治以內虛而風邪下陷乘虛入客大腸也慎勿
利之升舉其陽而陰氣自降矣升陽除濕防風湯蒼朮茯苓芍

大還○案此方本出東垣
先君子加葛根用效最著

傷寒將退十餘日或二七外或瘥後半月餘忽腹中窘迫疼痛
數起後重不快蓋因餘垢未淨重傷飲食新舊相雜變為積滯
當與痢疾同治 明條

治傷寒後一切痢疾無問冷熱腹痛黃連丸方

黃連

去鬚炒
二兩

木香

吳茱萸

湯洗三遍炒
乾各一兩

右三味搗羅為末麵糊和丸如梧桐子大每服二十丸空心

食前米飲下

聖濟

傷寒汗下後裏急後重下利者七宣丸

大黃

一兩

桃仁

去皮尖
二十個

木香

五分

檳榔

五錢

訶子皮

五錢

右爲細末煉蜜爲丸如桐子大每服五十丸溫水下

雲岐子保命丸

案此本出和劑今去柴胡枳實甘草加檳榔

溫疫愈後三五日或數日反腹痛裏急者非前病原也此下焦

別有伏邪所發欲作滯下也○案此句不確宜芍藥湯愈後大便數

日不行別無他證此大腸虛燥不可攻飲食漸加津液流通自

能潤下也覺穀道劣悶宜作蜜煎導甚則宜六成湯○案此與方無類

可附併存于此病愈後脈遲細而弱每至黎明或夜半後便作泄瀉

此命門真陽不足宜七成湯亦有雜證屬實者宜大黃丸下之

立愈溫疫論

芍藥湯

白芍

錢一

當歸

錢一

檳榔

錢二

厚朴

錢一

甘草

分七

水薑煎服裏急後重加大黃三錢

六成湯

當歸

五分錢

白芍藥

錢一

地黃

錢五

天門冬

錢一

肉蓯蓉

錢三

麥門冬

錢一

照常煎服日後更燥者宜六味丸

七成湯

破故紙

炒三錢 鈹碎

熟附子

錢一

遼五味

分八

白茯苓

錢一

人參

錢一

甘草

照常煎服愈後更發者宜八味丸倍加附子

並溫疫後論

○

蚘虫

胃中冷必吐蚘吐蚘人能皆知為陰也然亦有陽證吐蚘者蓋胃中空虛既無穀氣政蚘上而求食至咽而吐又看別證如何不可專以胃冷為說曾記一人陽黃吐蚘又大發斑陽毒證口瘡咽痛吐蚘皆以冷劑取效是亦有陽證矣

要訣

蚘上膈煩躁昏亂欲死而手脈沉遲足冷便秘者多難治若蚘色赤而活或多者屬胃熱猶可治之蚘死色白而扁者屬胃敗必不治也

○此說殆錯舌辨云邪熱過極口閉目開語死凡獨語者宜用矢承氣下之燥糞必黑蚘虫必死

人胃脘忽痛忽止身上乍熱乍涼面上乍赤乍白脈倏亂倏靜口中吐沫不食者便是蚘厥之候

緒論
統證
○以

疫邪傳裏胃熱如沸虬動不安下既不通必反於上虬因嘔出

此常事也但治其胃虬厥自愈

溫疫論

馬印麟曰虬厥有熱渴者黃連解毒湯有下症者承氣湯

瘟疫類編

若腹滿不大便熱甚昏憤而吐虬者此胃邪薰蒸虫不得安故

逆而上或有大便糞與虬同出者用大柴胡湯

明條

清中安虬湯治胃實熱嘔吐長虫

黃連

薑汁炒三錢

黃柏

酒炒半錢

枳實

麸炒二錢

烏梅

三箇

川椒

去目炒三十粒汗去

右五味共劑水二鍾加生薑三大片煎八分細口服 如病

人胃中虛熱而嘔者去枳實加人參一錢五分

辨注

溫熱病而吐蚘者此胃熱也胃虛有熱虫隨熱氣上行亦吐出也宜犀角黃連湯

黃連錢三 犀角錢四 木香分五 烏梅箇三

水一鍾半煎七分服深大還○案此本出外臺證引

如蚘厥胃中有冷飢不能食或食吐虫宜理中湯加烏梅宜如

劉氏曰凡厥陰蚘厥傷寒煩躁吐蚘口燥舌乾但欲凉水浸舌

并口脣時不可離不欲嚥者宜理中加烏梅選錄

凡蚘厥者輕者吐小虫重者吐長虫舌燥口乾常欲冷水浸口

不欲嚥蚘上煩躁昏亂欲死兩手脈沉遲足冷至膝甚者連蚘

并屎俱出大便秘而不行此症雖出多可救活也宜加味理中

安蚘散并烏梅丸治之似蘊不要切姑存二說

理中安蚘散陶尚文祕方累用之效

人參錢三 白朮半一錢 白茯苓半一錢 乾薑半一錢

烏梅個三

右作一服水二鍾煎七分服 凡吐蚘未止加黃連黃柏各

五分川椒十四粒若足冷甚者必加附子半錢或五錢量病

輕重酌量用之也今蘊不要具錄先原君子曰蚘不可用甘草并甜寒物

虛熱錯雜以致而動蚘者故陶華因立安蚘理中湯主治之而有胃

不虛以偏于熱而動蚘者汪琥因製清中安蚘湯主之此

蓋蚘賴食以養若病人日久不食致虫上攻咽胃者謂之虫因

傷寒廣要卷第九
終

饑起人有病愈方食虫聞食氣亦令上政咽胃謂之虫因食起
二者皆用理中烏梅丸治之

五法證○以
上陰證

傷寒廣要卷第九

終

傷寒廣要卷第十

東都丹波元堅苴庭撰

德陽蘇榮權矩亨

同叅校

湔江白昭煌潤生藏書重印

華陽周鳳楷魯東

餘證

餘熱

傷寒病後熱不除候此謂病已間五藏尙虛客邪未散其氣不復故旦暮猶有餘熱如瘧狀此非眞實但客熱也

巢源

夫傷寒後氣血未實藏府尙虛餘毒之氣猶存淹延時日不差肌體羸瘦肢節痠痛壯熱增寒心煩盜汗上氣欬嗽嘔逆痰涎飲食不消腹中癖塊口乾舌澀毛折骨痿面色青黃氣力乏弱

此皆由虛損致或夾勞也 聖惠

夫大病新瘥後血氣虛弱餘熱未盡古人所謂如大水浸墻水

退則墻蘇不可犯之但宜安臥守靜以養其氣設或早起動勞

則血氣沸騰而發熱也 蘊要

傷寒汗下後餘熱未除或失於調攝食不為肌欬嗽寒熱吐血

衄血纏綿日久狀似癆瘵此皆元氣既虛邪氣着而不散例用

黃連解毒湯加柴胡枳桔其效如神不效然後用八物湯兼犀

角小柴胡前胡石膏等隨證加減無有不愈者切不可純用補

劑亦不可誤認為虛損勞怯輕用杜仲山茱萸破故紙等溫補

之藥也 傷寒綱目

竹葉湯治發汗後表裏虛煩不可攻者但當與此方即竹葉石

膏湯虛煩蓋是虛熱非煩躁之煩

若傷寒得汗後病解虛羸微熱不去可行竹葉石膏湯活人

審知是邪熱未解雖經汗下却不可畏虛而養病宜竹葉石膏

湯要訣

竹葉湯治傷寒大病後心虛煩悶內熱不解

竹葉 麥門冬心去 人參 茯苓皮去 小麥炒

半夏湯泡七次各一兩 甘草炙半兩

右咬咀每服四錢水一盞半薑五片煎至八分去滓溫服不

拘時候濟生○案此本千金治產後虛渴少氣力方今去大棗

張文仲療傷寒八九日不差名為敗傷寒諸藥不能消者方

鼈甲炙 蜀升麻 前胡 烏梅 枳實炙 犀角屑

黃芩各二兩 甘草一兩 生地黄八合

右九味切以水七升煮取二升半分五服日三服夜二服支出

太 忌海藻菘菜莧菜蕪荑備急方同外臺 聖惠治壞傷寒

經十日已來未解熱在胸膈煩悶不止鼈甲散於本方去前

胡加柴胡甘草各半兩 每服五錢以水一大盞煎至五分去滓

入生地黄汁半合更煎一兩沸不計時候分溫二服

治傷寒餘熱不退發渴煩躁胸膈氣滯不思飲食宜服柴胡散

方

柴胡分三

川大黃分三

枳殼分三

鼈甲分三

檳榔分三

人參分三

木香分三

子芩分三

赤芍藥分三

赤苓茯分三

犀角屑分三

桑根白皮兩一

甘草兩半

右件藥擣篩爲散每服四錢以水一中盞入生薑半分煎至六分去滓不計時候溫服聖惠
治傷寒後夾勞骨節煩疼時有寒熱欬嗽頭目疼痛宜服柴胡

散方

柴胡兩一

貝母兩一

知母兩一

人參兩一

赤芍藥兩一

石膏兩一

黃芩分三

杏仁兩一

白朮兩半

梔子仁兩半

鼈甲兩一

右件藥擣篩為散每服五錢以水一大盞入生薑半分煎至

五分去滓不計時候溫服

聖惠

治傷寒後夾勞煩熱四肢疼痛不欲飲食宜服犀角散方

犀角屑

三分

赤茯苓

三分

枳殼

三分

柴胡

半兩

白朮

三分

鼈甲

半兩

知母

半兩

赤芍藥

三分

甘草

半兩

右件藥擣篩為散每服五錢以水一大盞入生薑半分煎至

五分不計時候溫服

聖惠

治熱病後虛勞煩熱四肢疼痛小便赤黃不欲飲食宜服柴胡

散方

柴胡

兩一

生乾地黄

兩一

黃連

兩一

地骨皮

兩一

枳殼

分一

赤茯苓

兩一

知母

兩半

鼈甲

分半

甘草

兩半

右件藥擣篩為散每服五錢以水一大盞煎至五分去滓不

計時候溫服

聖惠

又治時氣餘熱不退發作有時藟蘘根散

於本方去地黃黃連甘草加藟蘘根水煎去滓入生地黃汁

半合更煎一兩沸溫服

治熱病後虛勞盜汗口苦不得睡臥四肢煩痛舌乾卷澀宜服

人參散方

人參

兩一

麥門冬

兩一

赤芍藥

兩一

柴胡

兩一

白茯苓

兩一

牡蠣

兩一

黃耆

兩一

甘草

兩半

鼈甲

兩一

右件藥擣麤羅為散每服四錢以水一中盞煎至六分去滓

不計時候溫服

惠理

治傷寒後煩熱憎寒口苦不思飲食日漸羸瘦羚羊角湯方

羚羊角

鎊

芫胡

苗去

鼈甲

醋去

炙 裙 爛

人參

各 三 分

知母

淡竹茹

黃耆

赤茯苓

皮去 黑

甘草

炙 各 半 兩

天門冬

去 心 焙 一 兩

右一十味細剉如麻豆每服五錢匕水一盞半煎至八分去

滓食後溫服日二濟聖

治傷寒過經潮熱不解或時作寒如瘧狀芫胡鼈湯甲方

芫胡

苗去

鼈甲

醋去

炙 裙 爛

赤茯苓

各去 黑 皮

一 兩

黃芩

去 心 黑

知母

焙

桑根白皮

剉 各 三 分

甘草

炙 半 兩

右七味龜搗篩每服五錢匕水一盞半生薑半分拍碎煎至七分去滓溫服不拘時聖濟○此先君子加胡黃連最效聖惠治傷寒後

肺萎勞嗽涕唾稠粘骨節煩悶發渴寒熱鼈甲散於本方去

黃芩加款冬花烏梅肉梔子仁

治傷寒後胃熱引飲煩渴不止茯苓地黃湯方

赤茯苓去皮生乾地黃焙括樓根各一兩

知母焙半兩麥門冬去心各一兩半

右五味龜搗篩每服五錢匕水一盞半入小麥一百粒淡竹

葉三五片棗三枚擘破同煎至八分去滓溫服不拘時聖濟

治傷寒百合病久不差欲成勞宜服柴胡散方

柴胡

兩一

知母

兩二

黃連

兩一

甘草

分三

百合

兩二

秦艽

兩一

菰蘆根

兩一

右件藥擣篩為散每服五錢以水一中盞入生薑半分煎至

六分去滓不計時候溫服

聖惠○案此方與次方俱可移治餘熱仍絞於此

治傷寒百合病經一月不解變如渴疾宜服百合散方

百合

兩一

菰蘆根

兩一

梔子仁

分三

牡蠣

分三

麥門冬

分三

甘草

兩半

右件藥擣麤羅為散每服五錢以水一中盞入生薑半分竹

葉二七片煎至六分不計時候溫服

聖惠

乾地黄湯婦人傷寒差後猶有餘熱不去謂之遺熱

乾地黃 大黃 黃連 黃芩 柴胡
各一兩 各一兩 各一兩 各一兩 去蘆

白芍藥 甘草
各一兩 炙

右搗為細末每服抄四錢匕以水一盞半煎至七分去滓溫

服取溏利汗出解
總病

歸地養營湯壞證身熱口渴舌胎及舌如煨熟豬腰子

當歸 生地 鼈甲 麥冬 芍藥
懷慶極大 醋炙研細 各五錢

青蒿 阿膠 五味子
各三錢 各一錢五分

右煎成烱化阿膠服日二三劑 甚者人中黃人中白研細

各一錢調服 加知母地骨皮苦參亦可 虛人加人參黃

芪炙甘草 患人服藥安臥竟日熱除渴止
簡明醫

片玉云得汗脈靜身熱不退是發汗太過胃中亡津液故也處

以生津液益氣血養胃氣之藥或只用補中益氣湯

治例

若已汗而熱不清身漬漬汗出右寸關雖弦大按之無力心下
不痞不飽四肢倦怠屬中氣弱內傷虛熱補中益氣湯主之汗
止身涼爲愈

六要

有汗下後陰陽不相入水火不相濟致餘熱未退不可更用冷
藥內外俱未可攻宜小建中湯若其人已虛虛能生熱宜小建
中湯加當歸一錢或四君子湯加黃芪半錢或十全大補湯調
其營衛虛

脫

此恐

者四柱散真武湯

病愈後別無他證只微

熱未盡除其人脾胃久虛欠調理脾主肌肉故生餘熱燥補不

宜用理中湯加蜜一匙許煎 有汗下而熱不退多用涼肌藥
而又不退動至半月或兼旬者乃是陽氣離經不能復還客於
皮肉之間病此甚衆此當調理收斂之不可用辛熱重劑藥

要訣

遺毒

凡傷寒出汗不徹邪熱結耳後一寸二三分或耳下俱鞭腫者
名曰發頤此爲遺熱成毒之所致也宜速消散則可若緩則成
膿又爲害也

蓋要

本經云耳前後腫刺之小差即發頤也高腫有膿爲吉如平陷
無膿者危然亦有大虛之候微腫而痛只用溫補或少佐以清
涼腫自消而頤亦不發若必欲治頤則真氣外脫而死矣

直解

傷寒發頤亦名汗毒此因原受風寒用藥發散未盡日久傳化
爲熱不散以致項之前後結腫疼痛初起身熱口渴者用柴胡
葛根湯清熱解毒患上紅色熱甚者如意金黃散敷之初起身
涼不渴者牛蒡甘桔湯散之患上微熱不紅疼痛者冲和膏和
之腫深不退欲作膿者托裏消毒散已潰氣血虛弱食少者補
中益氣湯以此治之未成者消已成者潰已潰者斂亦爲平常
王道之法也用之最穩

外科
正宗

柴胡葛根湯治頤毒表散未盡身熱不解紅腫堅硬作痛者

柴胡 天花粉 乾葛 黃芩 桔梗 連翹

牛蒡子

石膏

各一錢

甘草

五分

升麻

三分

水二鍾煎八分不拘時服 宗正

牛蒡甘桔湯治頤毒表邪已盡耳項結腫微熱不紅疼痛者

牛蒡子 桔梗 陳皮 天花粉 黃連 川芎

赤芍 甘草 蘇木 各一錢

水二鍾煎八分食後服 宗正

托裏消毒散

人參 川芎 白芍 黃芪 當歸 白朮 茯苓

金銀花 各一錢 白芷 甘草 皂角針 桔梗 各五分

水二鍾煎八分食遠服 宗正 案此本外科樞要方

虛煩不眠驚悸 此虛煩與梔

或正證自異

傷寒發汗吐下已後府藏俱虛而熱氣不散故虛煩也源巢

夫衛氣晝行於陽夜行於陰陰主夜夜主臥謂陽氣盡陰氣盛

則目瞑矣今熱氣未散與諸陽并所以陽獨盛陰偏虛雖復病

後仍不得眠者陰氣未復於本故也同上

差後虛煩不得眠眼中痛懊憹蓋胸謁

黃連四兩芍藥二兩黃芩一兩膠三小挺水六升煮取三升

分三服亦可內雞子黃二枚肝後阿膠此即

梔子烏梅湯治傷寒後虛煩不得眠心中懊憹活人病中案見少

二方猶是梔子黃之例以係病後錄入於茲

虛煩一證乃是病愈後陰陽未復時發煩熱竹葉石膏湯痰多

睡不寧者溫膽湯嘔者橘皮湯於此千金本有病瘥後白不得眠

宜溫膽湯或眠而精魂散亂異夢驚悸者溫膽湯尤宜訣要

溫膽湯治大病後虛煩不得眠此膽寒故也宜服此方衍義張氏云

寒則脈陰之通稱突巢源虛勞門云若心煩不得眠者膽冷也

半夏 竹茹 枳實各二兩 橘皮三兩 生薑四兩

甘草一兩

右以水八升煮取二升分三服千金三因溫膽湯於本方加

茯苓一兩半棗一枚 蘊要加味溫膽湯於本方加人參黃

連柴胡當歸川芎白芍藥生地黃酸棗仁 又加味溫膽湯

於本方加人參酸棗仁茯神若心煩內熱者倍加黃連麥門

冬若有熱未清加柴胡若內實心神顛倒者加山梔子 壽

世保元竹茹溫膽湯治傷寒日數過多其熱不退夢寐不寧

心驚恍惚煩躁多痰於本方加茯苓香附人參柴胡麥門冬

桔梗黃連 案竹茹溫膽湯本出補珍引
秘方名加味溫膽湯不用黃連

酸棗湯治虛煩勞擾奔氣在胸中不得眠方

酸棗仁 升五 人參 桂心 生薑 兩各二 石膏 兩四

茯苓 知母 兩各三 甘草 半一兩

右以水一斗先煮酸棗仁取七升去滓下藥煮取三升分三

服日三 千金案此於仲景方去芍
藥加人參桂心生薑石膏

深師酸棗湯療傷寒及吐下後心煩乏氣晝夜不眠方

酸棗仁

升四

麥門冬

去心升

甘草

二兩

蜚母

二兩 知母也

茯苓

兩二

芎藭

兩二

乾薑

兩二

右七味切以水一斗六升煮酸棗取一斗去棗內藥煮取三

升去滓溫分三服忌海藻菘菜大醋

外臺○案此於仲景方加麥門冬乾薑

治傷寒後體虛心煩不得眠臥四肢少力宜服熟乾地黄散方

熟乾地黄

半兩

白芍藥

兩一

羚羊角屑

兩一

茯神

兩一

黃耆

兩一

麥門冬

兩一

酸棗仁

兩一

人參

兩一

右件藥擣篩為散每服四錢以水一中盞煎至六分去滓入

雞子清一枚攪令勻溫服

聖惠

傷寒壞病久不愈常不得眠或心脾氣血素虧而驚悸不寧不

得眠諸藥不效者大劑獨參湯或歸脾湯並用送下養正丹

緒論

白朮 扶神 木去 黃芪 去 龍眼肉 酸棗仁 炒去殼

人參 木香 各半兩 甘草 炙二錢半

右咬咀每服四錢水一盞半生薑五片棗子一枚煎至七分

去滓溫服不拘時候 生濟 薛氏醫案加當歸遠志

人病傷寒陽證或患熱疾服涼藥而得愈飲食未充夜間便睡不着是膽冷也若脈細身涼隨其虛實下金液丹一服大冷者下百粒及五六十粒不甚冷者三二十粒即睡着當以脈證為準也脈細微大便不甚實小便清面色青白舌下不紅面帶青

色皆冷證也

醫說○一
本引醫餘

大抵傷寒汗吐下之後虛極之人或因事驚恐遂生驚惕者宜

養血安神鎮心之劑主之也

要藥

朱砂安神丸治病後心神不安夜臥不寧或亂夢不得眠

朱砂

另研水飛二錢
一研半為衣

黃連

炒半錢

甘草

炙半錢

當歸身

酒洗錢

生地黄

酒洗焙乾錢半

右為細末湯浸蒸餅糊為丸如菉豆大朱砂為衣陰乾每服

三十九丸以口中津液嚥下或燈心湯下

要○此本東垣方
去當歸地黄

病後血氣未復精神未全多於夢寐中不覺失聲如魘此不係

讖語鄭聲宜溫膽湯去竹茹加入參半錢或用六君子湯

要訣

虛汗

夫傷寒差後體氣羸弱藏府猶虛或每因睡中徧身汗出此皆陽氣虛心氣弱陽屬於表主於膚腠開泄故津液妄行心主血心生汗今心虛不足故多盜汗診其脈虛弱微細者是其候也

聖

大病愈後數日每飲食及驚動即汗此表裏虛怯宜人參養營湯倍黃芪 脈靜身涼數日後反得盜汗及自汗者此屬表虛

溫疫論

治傷寒脈微細汗出不止漸覺虛羸宜服白茯苓散方

白茯苓

兩一

人參

兩一

白朮

分三

白芍藥

分三

麻黃根

兩一

五味子兩半 牡蠣兩一 肉蓯蓉去一兩 酒浸一宿

右件藥擣篩為散每服五錢以水一大盞煎至五分去滓不

計時候溫服聖惠○案又治虛勞盜汗黃耆散於本方去芍藥麻黃根蓯蓉加黃耆麥門冬甘草熟乾地黃

治傷寒虛汗不止心多煩躁時時驚悸宜服人參散方

人參兩半 遠志兩半 白茯苓兩半 麥門冬兩半 黃耆兩半

柴胡兩半 甘草分一 龍骨兩一

右件藥擣篩為散每服五錢以水一大盞入生薑半分棗三

枚竹茹一分煎至五分去滓不計時候溫服聖惠

治傷寒後虛羸日夜汗出不止心躁口乾咽喉不利宜服此方

黃雌雞理一隻去腸胃 肉蓯蓉刮去兩酒浸一宿

麻黃根

二兩

牡蠣

二兩

右件藥先將雞麻黃根以水七大盞煮取汁三大盞去雞麻黃根後却下菴蓉牡蠣煎取一盞半去滓分為三服空心午

前夜後臨臥時服

聖惠

陽證身微熱表虛汗出不已或因醫者發汗以致表虛脈不實

治用王海藏黃芪湯

黃芪

人參

白茯苓

白朮

白芍藥

各一兩

甘草

七錢半

陳皮

五錢

右剉每服酌量多少用水二盞生薑二片煎入分溫服

寶鑑遺補

○案此方出元戎
陳皮治中膈

陰證身涼額上手背有冷汗治用四逆湯加人參同上

方脈正宗治陽虛自汗用牡蠣火煨五錢人參三錢麥門冬五

錢北五味二錢煎湯飲立止外用牡蠣火煨數兩搗細粉

布包撲身上亦可收汗葉言

大病差後多虛汗及眠中流汗方○原方作引眼中流汗今據醫心方葛氏方改

龍骨牡蠣麻黃根末雜粉以粉身良後肘

錄驗方治大病之後虛汗不可止方

干薑三分治合以粉大良○醫心見太陽病方

當歸六黃湯治傷寒新瘥後虛熱盜汗不止

- 當歸身酒洗一分
- 黃柏炒七分
- 黃芩炒七分
- 黃連炒五分

黃芪 鹽水炙 二錢

生地黄 酒洗 七錢

熟地黄 酒蒸 一錢

右作一服水二鍾煎至八分食遠溫服

蘊要○此本出蘭室
祕藏云盜汗之聖藥

虛弱 當與兼變中
誤治虛乏恭

其人血氣先虛復為虛邪所中發汗吐下之後經絡損傷陰陽
竭絕熱邪始散真氣尚少五藏猶虛穀神未復無津液以榮養
故虛羸而生病焉 巢源
傷寒瘥後虛弱無力者先因汗下過多病久元氣虛弱調養失
宜須漸漸進食守靜不可太急治傷寒雖無補法若果病久元
氣虛憊或勞力所傷不得不補此合宜則用也宜補中益氣湯

蘊要○案今本脫此條
據撮要及全生藥錄

補大病後不足虛勞方萬病同用

取七歲已下五歲已上黃牛新生者乳一升以水四升煮取

一升如人體溫稍稍飲之不得過多十日服不絕為佳千金

十全大補湯病後氣不如舊此藥性溫不熱平補有效

白茯苓焙 白朮焙 人參去蘆 熟乾地黄洗酒焙

白芍藥 粉草炙 黃耆去蘆 肉桂去麁皮

川當歸洗去蘆 川芎各等分

右十味剉為麁散每服二大錢水一盞生薑三片棗子二箇

同煎至七分不拘時候溫服和劑

四君子湯治大人小兒脾胃不和中脘停飲大病之後宜服

人參 茯苓 白朮 各四兩 甘草 半兩

右咬咀每服四錢水一盞薑七片棗一個煎至六分去滓不

以時候服一方加橘紅等分名異功散尤宜病後調理一方

去甘草加木香熟附子等分名加味四柱散薑棗煎服大病

之調理尤宜用此 易簡○異功散 得效六君子湯於本方

加半夏陳皮 小青囊六君子湯於本方加黃芪山藥治傷

寒汗下之後將見平復服此調理俾進食 ○案此係本

治傷寒後虛羸少氣嘔吐不納飲食宜服陳橘皮散方 七珍散去粟米

陳橘皮 一兩 五味子 一兩 麥門冬 半兩 人參 一兩

半夏 一兩 白朮 半兩 甘草 半兩 白茯苓 三分 黃耆 三分

右擣麤羅爲散每服三錢以水一中盞入生薑半分棗三枚

煎至六分去滓不計時候稍熱服

惠聖

治傷寒後服冷藥過多胃寒嘔噦不下飲食人參湯方

人參

白朮

白茯苓

皮去黑

附子

皮炮裂去臍

陳橘皮

湯浸去白

桂

皮去麤

乾薑

炮各半兩

丁香

一分

右八味麤搗篩每服五錢匕水一盞半生薑半分拍碎粳米

半匙煎至一盞去滓溫服不拘時

聖濟

溫脾圓治久病虛羸脾氣弱食不消善噫方

黃蘗

大麥蘗

吳茱萸

桂心

乾薑

細辛

各一兩

附子

當歸

大黃

麴

黃連

各一兩

右十一味為末蜜丸如梧子每服十五丸空腹酒服日三

千金

用○三因
神麴麴

加味枳朮丸治病後胃弱食少服此進飲食強胃氣之藥也

枳實 炒一兩

白朮 兩一

神麴 炒一兩

大麥蘖 兩炒一

陳皮 兩一

棠求子 兩一

右為末荷葉燒飯和丸如梧桐子大每服七八十丸白湯下

如有熱加薑炒黃連七錢如氣鬱不舒暢加香附一兩如痰

多加半夏麴一兩

蘊要○案枳朮
丸出於張潔古

治傷寒後腎氣虛損夜夢失精口乾心煩兩頰黑色皮膚乾燥

宜服此方

龍骨

兩一

白芍藥

分三

人參

分三

熟乾地黄

分三

白茯苓

分三

桂心

兩半

甘草

兩半

鹿茸

微半兩

炙去毛

酥

去

毛

磁石

水一兩

淘去赤汁

碎

赤

汁

碎

右件藥擣麤羅爲散每服四錢以水一中盞入棗三枚煎至六分去滓食前溫服之

聖惠

水腫

病後水腫身虛胃弱食少者以五苓散加蒼朮陳皮木香砂仁之類主之若人不堪弱者以商陸一味煮粥食之亦佳凡病瘥後足腫者不妨但節飲食胃氣強自消也

蘊要

嚴正甫正年三十時疫後脈證俱平飲食漸進忽然肢體浮腫

別無所苦此即氣復也蓋大病後血未成氣暴復血乃氣之依
歸氣無所依故為浮腫嗣後飲食漸加浮腫漸消若誤投行氣
利水藥則謬矣 論溫疫

若大病後三焦受傷不能通調水道下輸膀胱肢體浮腫此水
氣也與氣復懸絕宜金匱腎氣丸及腎氣煎若誤用行氣利水
藥必劇凡水氣足冷肢體常重氣復足不冷肢體常輕為異
治傷寒後身體浮腫喘息促小便不利坐臥不安防己湯方

防己 三分

猪苓 三分

海蛤 一分

陳橘皮 一分

木香 半兩

白朮 半兩

桑根白皮 三分

赤茯苓 三分

檳榔 一分

蘇莖葉紫 一分

木通 半兩

同上

右一十一味 麤擣篩 每服三錢匕 水一盞 入生薑半分 切煎

至六分 去滓 不計時候 溫服

聖濟

差後面腫或腰以下腫 治用索矩三和湯

○案索矩正 傳作絜矩

橘皮 厚朴 檳榔 白朮 甘草

各三兩 各三兩 炙

紫蘇 木通 海金砂

各二兩 去粗梗 各一兩

右剉 每服五錢水一盞 生薑二片 煎至八分 溫服 如鼻上有

汗出 必氣血和而愈

寶鑑補遺

勞復 食復 女勞復

傷寒勞復 何以明之 勞為勞動之勞 復為再發也 是傷寒差後 因勞動再發者是也 傷寒新差後 血氣未平 餘熱未盡 勞動其

熱熱氣還經絡遂復發也此有二種一者因勞動外傷二者因飲食內傷其勞動外傷者非止強力搖體特重遠行之勞至於梳頭洗面則動氣憂悲思慮則勞神皆能復也况其過用者乎其飲食內傷者爲多食則遺食肉則復者也內經曰熱病已愈而時有遺者何也以熱甚而強食之病已衰而熱有所藏因其穀氣留薄兩陽相合故有所遺經曰病已差尙微煩設不了了者以新虛不勝穀氣故令微煩損穀則愈夫傷寒邪氣之傳自表至裏有次第焉發汗吐下自輕至重有等差焉又其勞復則不然見其邪氣之復來也必迎奪之不待其傳也經曰大病差後勞復者枳實梔子豉湯主之若有宿食加大黃且枳實梔子

鼓湯則吐之豈待虛煩懊懣之證加大黃則下之豈待腹滿讖
語之候經曰傷寒差後更發熱者小柴胡湯主之脈浮以汗解
之脈沉實者以下解之亦是便要折其邪也蓋傷寒之邪自外
入也勞復之邪自內發也發汗吐下隨宜施用焉嗚呼勞復也
食復也諸勞皆可及御內則死矣若男女相易則爲陰陽易其
不易自病者謂之女勞復以其內損真氣外動邪熱真虛邪盛
則不可治矣昔督郵顧子獻不以華敷之診爲信臨死致有出
舌數寸之驗由此觀之豈不與後人爲鑒誠哉

明理○右總說
案此有所本詳

見於後

傷寒病新瘥津液未復血氣尙虛若勞復早更復成病故云復

也若言語思慮則勞神梳頭澡洗則勞力勞則生熱熱氣乘虛

還入經絡故復病也其脈緊者宜下之巢源○案文曰傷寒病後多因勞動不節飲食

過度更發於病名之為復者謂復病如初也又小兒時氣病發復候曰發復多重於初病者血氣已虛重傷故也

許仁則曰此病復發不但起動勞役或因飲食稍多或因言語

過分或緣視聽不節或為動靜不常皆成此復若復甚者乃至

不救劇於初得病時不可以復發而云輕易外臺

新差強人足兩月虛弱人足百日則無復病矣總病

疫邪已退脈證俱平但元氣未復或因梳洗沐浴或因多言妄

動甚至車騎勞頓遂至發熱前證復起惟脈不沉實為辨此為

勞復蓋氣為火之舟楫今則真氣方長勞而復折真氣既虧火

亦不前如人欲濟舟楫已壞其可渡乎是火也陷於經絡則爲表熱陷乎藏府則爲裏熱虛甚熱甚虛微熱微治法輕則靜養可復重則大補氣血候真氣一回血脈融和表裏通暢所陷之火隨氣輸泄自然熱退而前證自除矣若誤用承氣及寒涼剝削之劑變證蜂起遂至殞命

溫疫論中之一案此蓋勞復中之證

蓋勞則生熱熱氣乘虛還入經絡未免再復治宜清熱解勞小柴胡湯麥門冬湯和之熱氣浮者梔豉枳實湯表症多者柴胡桂枝湯汗之裏症多者大柴胡湯下之 勞復症久不愈恐成癆瘵

癆瘵

門人

麥門冬湯治勞復氣欲絕起死人方

麥門冬兩一

甘草兩二

京棗枚二十

竹葉升一

右四味咬咀以水七升煮粳米一升令熟去米內諸藥煎取

三升分三服不能服者綿滴湯內口中用之有效千金○案

發熱者麥門冬湯主之方與金匱同而先君子以為仲景舊文

補中益氣湯治勞復發熱氣高而喘身熱而煩四肢怠惰蘊要

大病後不宜勞動若勞倦傷氣無力與精神者名曰勞復補

中益氣湯主之心悟

瘥後有勞復者勞則生熱小柴加五味麥冬和之士林餘業

圖經曰治傷寒勞復身熱大小便赤如血者胡黃連一兩山梔

子二兩去皮入蜜半兩拌和炒令微焦二味擣羅為末用猪

腸汁和丸如梧桐子大每服用生薑二片烏梅二個童子小
便三合浸半日去滓食後煖小便令溫下十九臨臥再服甚

效

證類引孫尚藥
豬腸汁作豬膽汁宜從

治傷寒差後勞復壯熱頭痛六神湯

鼈甲

柴胡

人參

知母

黃連

各一兩

烏梅肉

半兩

右六味鼈擣節每服五錢匕水一盞半入生薑半分拍碎同
煎至八分去滓食後溫服聖濟復以

凡得溫毒病新瘥脾胃尙虛穀氣未復若食犬豬羊肉并腸血
及肥魚炙脂膩食此必下利下利則不可復救案此蓋本於又禁
食餅餌炙膾棗栗諸生菓難消物則不能消化停積在於腸胃

便脹滿結實大小便不通因更發熱復成病也非但雜食梳頭

洗浴諸勞事皆須慎之巢源○案傷寒食復候論證殊略今錄雜藏中

傷寒新瘥胃氣尚弱若恣飲食不能化濁穢藏府依前發熱

若用調和脾胃藥胃熱轉增大凡傷寒無和胃之理治須清熱

消食輕者胸中微滿謂之遺熱損穀自愈重者胸高喘滿腹脹

必須吐下梔豉枳黃湯主之○當是枳梔湯加大黃煩熱甚者竹葉石膏

湯胸痞者生薑瀉心湯 飲酒復者其熱尤甚蓋酒性至熱必

煩躁乾嘔舌胎妄語不寐者解毒湯入門○飲酒復出外臺既抄於前

傷寒纔愈脾胃尚虛雖消中因宜節食若恣食而再熱者名曰

食復宜六君子湯一小劑或加神麴麥芽予嘗見食復多死者

蓋以久敝之脾胃不能化驟進之食物也

程氏
醫

若因飲食所傷者或吞酸作噯或心腹滿悶而加熱者此名食

復輕則損穀自愈重則消導方愈

溫疫
論

車口何姓者在濟患傷寒後食肉復醫與利藥下之下後身熱
耳聾口乾不渴喜漱水不欲嚥是熱在經予視之曰此誤下亡
陰猶有表證與小柴胡去半夏加天花粉山梔麥冬五味歸芍
生地一服減半四劑良愈

順案○以
上食復

夫傷寒病新瘥未滿百日氣力未平復而以房室者略無不死
也有得此病愈後六十日其人已能行射獵因而房室即吐涎
而死病雖云瘥若未平復不可交接必小腹急痛手足拘拳二

時之間亡范汪方云故督郵顧子獻得病已瘥未健詣華粵視脈粵曰雖瘥尚虛未平復陽氣不足勿爲勞事也能勞尚可女勞即死臨死當吐舌數寸獻婦聞其瘥從百餘里來省之住數宿止交接之間三日死婦人傷寒雖瘥未滿百日氣血骨髓未牢實而合陰陽快者當時乃未即覺惡經日則令百節解離經絡緩弱氣血虛骨髓空竭便怳怳吸吸氣力不足著牀不能動搖起居仰人食如故是其證也丈夫亦然其新瘥虛熱未除而快意交接者皆即死

巢源

男子房勞復發熱口噤臨死舌出數寸又始得病百節痛如被打渾身沉重恍惚失措脈促而絕不可治或有吐涎不止或有

讖妄煩亂者皆不可治

病總

伸景止言陰陽易而千金復增女勞復證昔賢相傳陰陽易猶可生若女勞復必死者何也愚以復病由病後正氣大虛餘邪不能傳易於人因而自病則多死以其人不堪再病故也易病由病人正氣稍復不病之人正氣反虛餘邪遂至傳易因而忽病然猶可生以其人病尚初發也

注辨

逍遙湯治有患傷寒瘥後血氣未平勞動助熱復還於經絡因與婦人交接搖慾而復發不易有病者謂之勞復

人參 知母 竹青 如卵縮腹痛倍加 黃連

甘草 滑石 生地黃 韭根 柴胡 犀角

水二鍾棗二枚薑三片煎之

書六

若犯內事陰虧者宜六味生乾地黃湯氣少者倍加人參湯主

之

金鑑○案以上諸
復治法當通用之

嘗治傷寒病未平復犯房室命在須臾用獨參湯調燒裨散凡

服參一二斤餘得愈者三四人信哉用藥不可執一也

準繩○
案原更

引張兼善論用燒裨散之理文繁不錄又案此證
蓋是脫陽當致少陰病四逆變方○以上文勞復

若無故自復者以伏邪未盡此名自復當問前得某證所發亦

某證稍與前藥以徹其餘邪自然獲愈

溫疫論○
石自復

傷寒廣要卷第十

終